



Broj:

Sarajevo, 04.11.2020. godine

**PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM**

n/r predsjedavajućeg, gđin. Nebojša Radmanović

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

| | | | |
|------------------------|-----------------------|------------|--------------|
| PRIMLJENO: | 05-11-2020 | | |
| Organizaciona jedinica | Klasifikaciona oznaka | Redni broj | Broj priloga |
| 01-50-1 | 2168/20 | | |

Na osnovu člana 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20), podnosim

POSLANIČKU INICIJATIVU

kojom Predstavnički dom Parlamentarne skupštine Bosne i Hercegovine zadužuje Vijeće ministara Bosne i Hercegovine da u roku od 60 dana od dana usvajanja ove inicijative, pripremi i u parlamentarnu proceduru uputi Prijedlog novog zakona o nadzoru nad tržištem Bosne i Hercegovine, radi njegovog usklađivanja sa pravnom stečevinom Evropske unije, odnosno Uredbom br. 765/2008 Evropskog parlamenta i Vijeća od 9. 7. 2008. godine, kojom se utvrđuju zahtjevi za akreditovanje i nadzor nad tržištem koji se odnose na stavljanje na tržište različitih proizvoda.

Obrazloženje

Vijeće ministara Bosne i Hercegovine je na 14. sjednici održanoj 29.07.2020. godine usvojilo Program rada Vijeća ministara Bosne i Hercegovine za 2020. godinu. Navedeni Program rada dostavljen je Parlamentarnoj skupštini Bosne i Hercegovine dana 11.09.2020. godine. Pod tačkom 2.1.10. predmetnog Programa rada navedeno je sa rokom realizacije „četvrti kvartal 2020. godine“ sačinjavanje Zakona o nadzoru nad tržištem Bosne i Hercegovine. Novi Zakon o nadzoru nad tržištem potreban je jer je važeći Zakon o nadzoru nad tržištem Bosne i Hercegovine („Službeni glasnik BiH“, br. 45/04, 44/07 i 102/09) zastario i potrebno je njegovo usklađivanje sa pravnom stečevinom Evropske unije. Evropska komisija je na sastancima Pododbora za trgovinu, industriju, carine i oporezivanje više puta preporučivala da Bosna i Hercegovina u svoje zakonodavstvo inkorporira Uredbu br. 765/2008 Evropskog parlamenta i Vijeća od 09.07.2008. godine, kojom se utvrđuju zahtjevi za akreditovanje i nadzor nad tržištem koji se odnose na stavljanje na tržište proizvoda, te kojom se povlači Uredba br. 339/93.¹ U skladu s tim, osnovni cilj ove inicijative je stavljanje van snage propisa koji su u koliziji sa Uredbom br. 765/2008, a Zakon o nadzoru nad tržištem Bosne i Hercegovine ima određenih nedostataka koje je potrebno popraviti.

¹ Ova Uredba je još iz vremena Evropske ekonomske zajednice i zbog toga je 2008. godine ova oblast konačno uređena u skladu sa novom tržišnom politikom Evropske unije.

Članom 75. Sporazuma o stabilizaciji i pridruživanju Bosna i Hercegovina je preuzela obavezu da preduzme neophodne mjere da bi postigla usklađenost sa tehničkim propisima Zajednice i evropskim postupcima standardizacije, mjeriteljstva, akreditacije i ocjenjivanja usklađenosti. Usvajanje novog Zakona o nadzoru nad tržištem Bosne i Hercegovine predstavlja upravo jednu takvu mjeru koja treba unaprijediti stanje u ovoj oblasti u skladu sa evropskim standardima. Osnovne odredbe koje novi Zakon treba sadržavati, a koje su obuhvaćene Uredbom br. 765/2008 Evropskog parlamenta i Vijeća od 09.07.2008. godine odnose se na novi okvir za nadzor tržišta proizvoda kako bi se osiguralo da ti proizvodi ispunjavaju zahtjeve koji su osiguravaju visok nivo zaštite javnih interesa, kao što su zaštita zdravlja i sigurnost općenito, zaštita zdravlja i sigurnost na radnom mjestu, zaštita potrošača, zaštita okoliša i sigurnost. Dakle, okvir za nadzor tržišta uspostavljen ovom Uredbom treba dopuniti i ojačati postojeće kapacitete država, ali svaka država članica Evropske unije, kao i potencijalna članica ima pravo regulisati ovu oblast u skladu sa svojim tržišnim i ustavnim okvirom i to je nešto što treba imati u vidu prilikom implementacije ove poslaničke inicijative.

S poštovanjem,


Dr. Denis Zvizdić